

有引... 某等對東大易事... 謂爲案而不得... 尤非情理所有... 敝校經濟... 自有先... 同志主持其事... 田勞先生借審代... 以某等所聞... 則... 有基金銀十萬兩... 本校不但不無一... 反令學校年撥數千元... 彌補虧空... 在敝校... 學部四十八教授... 告停職後... 附中附小兩部教職員... 雖已發表始... 終拒絕胡教復來爲東大校長宣言... 但對於兩部學生... 議決以課業... 爲重... 仍照常上課...

### 本埠

## 遠東運動會全國預選會餘聞

### 游泳決賽

第七屆遠東運動會全國預選大會... 昨日(四日)下午一時在覽玉度聖約翰大體育室游泳池舉行游泳決賽... 觀者頗多... 並不擁擠... 預選選手多缺席... 茲將詳情列下... 裁判員他克君及沈爾良君... 時員沙利文君...

#### 五十碼自由式游泳決賽

第一隊(華中) 第二黃志勤 時間三十四秒

#### 一百碼自由式決賽

第一隊(華中) 第二傅啟述(華中) 時間一分二十六秒 (與賽者僅兩人)

#### 一英里自由式游泳決賽無結果

加入有孫理傑(華東) 龍島等四人... 規定往返八十八次... 適合一英里... 末二人不及十次... 即不能前往... 龍島稍佳... 至第三十次而止... 最耐力孫理傑僅遊四十二次而止... 尚不及其半... 故無結果

#### 百碼仰游決賽

第一隊(華東) 第二趙仕明 時間一分三十七秒五分之二

#### 二百碼自由式替換決賽

此項臨時無人加入... 故未舉行

#### 往非游泳選手選出九人

此次選出赴非之游泳選手... 祇有九人... 陳國超... 董郁文... 鄒丁才... 華東約翰大學... 趙仕明... 董文真... 華東... 傅啟述... 龍島... 華中... 及黃志勤九人云... 又昨日游泳比賽... 來賓多爲約翰學生及住校內各高運動員... 計來者極少... 由北可見... 計來者極少... 不...

六與二 六與三 二與零 梁志端  
九與七 七與九 二與六 二與一 馬景福

雙拍  
雙拍於五月二日比賽... 結果北時馬景福勝... 華東代表... 中國詳情... 請參考三日日本報... 故不贅

#### 南陵同鄉會歡迎皖籍運動選手

安徽南陵旋滬同鄉會... 因此次全國預選大會... 在滬舉行... 華中運動會中之皖籍選手... 已抵滬數日... 該會前日下午六時特在約翰大學開會歡迎... 到會者數十人... 選手有金邦濤劉振武等... 皆由該會總務夏禮報告... 繼由劉之聯致歡迎辭... 選手劉振武答謝並報告華中運動會經過... 最後該會會務劉傳李森輝牧文農等均有演說... 至八時始行茶點散會

#### 遠東運動日選手啟程來滬

日本電報通信社四日東京電云... 是馬尼拉遠東運動大會日選手... 四十餘名... 已於今日午前十時自橫濱啟輪之格爾時總統號首途... 龍島... 五十碼自由式游泳第一... 傅仕斌... 一百碼自由式游泳第一... 鄒丁才... 四百四十碼第二... 董文真... 二百二十碼蛙式第二...

#### 促進會今日開董事會

上實平民教育促進會... 今日開第七次董事會... 發出通告云... 敬啟者... 本月五日... 即於四月十三日星期二下午三時... 在省教育會開第七次董事會... 討論重要事項... 及報告經過情形... 務祈屆時踴躍蒞時... 是爲禱... 願頌公安... 上實平民教育促進會謹啟

#### 滬江大學舉行音樂大會預誌

日期五月二十三日晚  
地點西馬路影戲園場

#### 鮑士偉博士由杭返滬

鮑士偉博士於五月四日晨... 乘由杭來滬之七點四十分快車返滬... 同來者仍爲杜定友朱家治二君... 是日晨浙省教育會圖書館協會會長章仲銘君... 偕同教育界人士十數人... 在城站送行... 意極懇摯... 此次鮑氏在杭... 一切參觀遊覽... 旅居宴會招待... 均極極周到... (一日浙江圖書館之宴會代表省長致辭者實爲教育廳長計仰先君前報... 認爲青年會馬寬永君) 聞朱家治君已將此次詳情報告中華教育改進社主任幹事陶知行君... 以便分別函謝

#### 協和中學發行協風週刊

北火車站協和中學學生... 於正調協風週刊... 內容分論... 詩詞... 校聞等... 備極美備... 材料豐富... 第一期已於本星期一出版云

#### 遠東女學之進行計畫

虹口遠東女學... 自張君子服創辦以來... 迄已有年... 聲譽... 漸著... 近復新聘西人安利德等爲教授... 學生益踴躍... 現並在... 附近... 購定基地... 正在建設洋房... 以爲下學期擴充完全女子中學之預備... 併於五日宴請董事會... 張維... 李... 山...



游  
龍



注意、且游泳成績、若與日非比較、則相去遠矣、

### 網球預選比賽之總結果

#### 單拍

此次網球預選比賽多日、至昨日下午三時三十分、方結束、茲將詳情分列於下、網球比賽、加入者(華北)時昌黎、梁志瑞、周景福、喬炳文四人、(華東)則由黃保廉、董承琳、丁人歷四人代表、華北與華東比賽、而華北與華北、及華東與華東代表、未曾自相比賽、所以節省比賽時間、蓋互相比賽、則每人當比賽七次矣、且寓兩區比賽、增加興趣、此次共賽十六次、每人比賽四次、總結果、華北勝、并代表中國、參加世界網球賽、

#### 華北華東網球預選比賽表

第一次(五月一日上午十時在約大舉行)

組別	第一次	第二次	第三次	結果	優勝者
第一組	周景福(華北)	黃保廉(華東)	六與四	六與一	二與零 周景福
第二組	梁志瑞(華北)	黃保廉(華東)	六與三	七與五	二與零 梁志瑞
第三組	時昌黎(華北)	董承琳(華東)	六與一	六與二	二與零 時昌黎
第四組	丁人歷(華東)	喬炳文(華北)	六與三	六與二	二與零 丁人歷

第二次(五月二日舉行)

組別	第一次	第二次	第三次	結果	優勝者
第一組	黃保廉	周景福	六與二	六與四	二與零 黃保廉
第二組	梁志瑞	周景福	六與零	六與四	二與一 梁志瑞

泳

選

手



真文童 才丁鄭 斌仕寔

## 皮膚病 救星 愈膚水

止癢去濕消斑化紋無論新舊濕毒牛皮魚鱗每瓶四角 大洋一元  
洋藥房經售北四川路寶興路德角代售 先施 永安 (上海南京路)

## 退立 狐臭水

當此炎熱夏季腋下臭氣難堪... 每瓶一元 現減大洋八角 外埠用郵票函購連寄費九角  
上海法租界大馬路首安里內時雨藥房當日掛號回件

### 催眠術

催眠術有祛除煩惱治癒疾病或絕技... 中國心靈研究會  
上海北四川路大德 中國心靈研究會  
上海里口二號洋房





馬鞍山人詩艸 丁亥

小雨

小雨寒無那風嚴欲雪天  
清分茶竈迴煖借酒爐偏  
曼綠古牆竹浮青茅屋煙  
閑觀足幽興况復是新年

讀楞嚴作

楞嚴壇上戒焚脩十種香烟八角流  
但是疑團終莫

破糞塗先擇雪山牛

佛告阿難若末世人願立道場

肥膩香艸此牛唯飲雪山清水其糞微細可取其糞  
和合旃檀以泥其地若非雪山其牛臭穢不堪塗地

初一夜

昨夜今宵便隔年  
黃昏燈火坐茫然  
無能分絕勞薪



爭

飯有芋仍參懶瓚禪酒戶任~~最~~並塞松~~不~~疑與雪  
爭鮮字愁若不憑雙管只恐瀾漫欲滿天

雪意

欲爲人間作大觀罡風吹得雨絲乾花雖未見如人  
手霰已微聞似藥丸萬里意從雲外迥三更聲到竹  
邊寒瀟瀟瑟瑟知無那會遣填平道路寬

村西暮望

暖氣融融滿暮村春風幾度甦山魂綠流不盡長溪  
色青入無邊嫩草痕一塢白深梅孕子千畦黃老芥  
生孫山中福任山中亭枉自曉曉向俗言



又作

夕陽煙景近黃昏  
溪水冰鋪又到門  
送盡牛歸閑得意  
看殘菊老淡忘言  
板橋遠隔魚蝦市  
山逕斜通橘柚村  
滿目詩情吟不了  
收將燈下細評論

立春

入年踰九日始是立春  
還被濕難禁酒當花欲破禪  
鏡中何有相人外別無天  
但讀莊并列馬知仙不仙

月下觀梅

玲瓏古月照梅林  
獨立花中獨自吟  
踈影壓肩寒不重  
香清愈覺惹衣深



醉中作

一壺清酒泛流霞醉倒何知舊帽斜  
但是孤他好風月夜深斗帳夢梅花

梅花

十丈籬笆夜夜晴微霜寒入老梅橫  
當年不遇林和靖誰識花心爾許清

高樓短笛莫飛聲易惹山人萬古情  
爭得髯翁醉時筆帳中長結歲寒盟

書賞心樂事後

手種名花繞閣廳賞心又著賞花經  
幾生修到張功



甫日日花邊醉不醒

春行

爆響禽聲聽等閑勝情相引出柴關十圍樹老榭溫  
柳一角春迴馬遠山莖曲竹叢終俟悟事見玉燈會元多福和尚  
語葉黃芥圃尚容刪蠟梅花與梅花合撩撥詩情欲  
破慳

梅花吟

竹籬遙對松蒼蒼夜烏聲斷五更霜主人心寄六合  
外吟殘月色疑天光鴛衾不作昏昏擁獨愛梅花香  
雪湧脩然領受萬緣空山影歷衣袂氣重



夜寒甚漫咏

滿壑飛颺撼碧牕孤燈綠縮影憧憧  
壘殘酒濁微無力透骨春寒不可降

秋園表兄訪予適予未起家人以微恙報遂致

孤來意次日始知乃作二絕代簡

莫詫頑軀抱採薪只緣難了火傳因長鬚  
不悉文殊至直謂維摩病是真

梅花即落有又梨花欲把觴情取次加後日君來肯  
空放快須似海學劉叉

梅花落行戲簡璜溪并呈秋園表兄



白梅滿枝花皚皚北枝開續南枝開交加重疊雪萬  
斛却疑龍女幻向枝間堆又似鮫人所織綃一片湘  
妃細細梢頭裁不是霜華凍蛟脊卽是萼綠來瑤臺  
寒香浸夢妾心斷此中何處着墮埃春風微吹意自  
可明月直入心無猜相對焉肯負詩興相逢焉能孤  
酒榼幾度欲招秋園老只恐獨來獨往無人陪一日  
一日復一日又恐饑口空瓶蠶春江枉自鴨頭綠不  
化鴉兒成甕醅故此未敢先釐屈籬邊竹外時徘徊  
誰知一夜狂飈起吹散花飛不用玉笛催待君思君  
君不來真教落花寂寂滿蒼苔只合吟殘謫仙句花



神已回人未回  
疎枝不復鳴翠羽  
斜陽空見老鴉隈  
此約已孤成  
隔歲我欲罰君君  
曰該好出隻雞并斗  
酒爲花補賞花  
寧推更招秋園  
吾與爾慰花憐花花  
莫哀相將合坐梅樹下  
破例來賞調羹胚  
不重花開重花落  
世情於我何有哉  
一從旁人笑拍手  
但各尊邊依然玉山顏  
復顏

欲雪

江天將欲雪  
雨忽斷簷端  
遠曙連牕暗  
疎風入戶寒  
松浮山霧迴  
野帶水雲寬  
自得披爐法  
真同卧炕安

范石湖詩  
穩作披爐如卧炕



雪下濃甚忽為雨所間凌寒作此

天公未釀雪先釀一天寒水絕冰仍凍灰深火欲殘  
題詩呵筆硯把酒洗杯盤獨愛琅玕上紛紛萬个攢  
片片隨風落斜斜入屋飛花分眾香國夢斷亂書圍  
古隴迷高下空山沒是非從他茅舍外赤足唱呼豨  
不道黃昏近同雲雜雨生徒將飛絮意浪併落梅情  
竹墅春無賴風窗夜有聲迢迢清不寐坐戀一燈明

和鮑秋園表凡同人月夜泛舟

好月照春城春河徹夜清船分天上坐客共鏡中行  
俯仰忘身世沿洄省足纓休教歌水調恐惹老龍驚



路

雨

一雨土膏柔喧爭水布流泥深知菜樂濕重替花愁  
好句懷人得餘相聽鳥留微響雖斜悄毋事鷓鴣裘

舍北雜興

南山繚繞復西山薜幌巖肩絕往還盡盡花芬春晝  
永悠悠鳥語畫簾閑三間屋許雲同住一片心憐石  
共頑造化圖成天地秘陋他刻紙守荆關

絕境崎嶇路不通閑行惟覺趣無窮壞橋細草經冬  
綠虛壑斜陽帶樹紅雲碓并流支瀑布木魚和梵出  
杉蓬邇來腰脚粗強健未肯頽唐號放翁



闌干十二俯空濛  
隱隱春郊一望通  
酒旆遠飄紅杏  
雨漁船輕泛綠楊風  
仙人豈在蓬山外  
福地終歸芥子中  
識否脩然能脫骨  
端由生不受牢籠

滿目春陽映碧霄  
問誰對此息勞筋  
閣凌得氣松千尺  
人愛多情月二分  
南浦綠波遙蘸柳  
北山蒼頡易干雲  
諸兒自擊鶩兒養  
豈有高風學右軍

盡日尋詩倚此君  
無能奚獨讓司勳  
茶烟翠捲鬚眉綠  
諫味甘餘齒頰芬  
課子讀書聲自可  
呼童攜鉢意何云  
優游分絕狂兼達  
要忝雞群與鶴群

年來年去此青山  
萬古浮生總等閒  
習靜未能遺俗



累祛喧何處避人豪常游社日惟知燕却羨湖天獨  
樂鷗欲語朋儕排雅會勝情渾莫向花慳

絕句

麥秀漸漸野雉鳴好風吹得酒懷清山村二月兒童  
樂到處空中鷺線橫

又

盡憐氣得桃夭艷皆愛風流柳絮狂別有野情人不  
識豆花淡紫菜花黃

遊春

兩屐登登踐軟沙遊春端任徑橫斜奇樟綠抱村神



廟野竹青環處士家到處香風董蛺蝶半山暮靄醉  
桃花相逢盡道清明近各各安排要摘茶

即景書懷用前韻

飯抄雲母白無沙飽臥南軒任日斜情往每尋開士  
窟興來還訪故人家荒牆過雨初生草老樹經春亦  
看花休負水消新水落閑甌如品紫茸茶

漫咏又次前韻

初開小沼淨無沙門繞清泉以道斜敢比青山高士  
宅真成獨樹老夫家平畦日煖尋藏笋曲徑風輕掃  
落花往采梅苞將蜜製芽香沁齒未踰茶



春日雜興

啼鶯到了百花休  
馬用談天說九州  
引我煙雲明似畫  
移人景物澹于秋  
踈簾暮雨初逢燕  
野艇春波漸狎鷗  
猛力力田兼學釣  
雙柑斗酒恣沉浮

醉中弄筆偶書示兒

巖扃寂寂不須關  
竊比孤雲絕往還  
返照自明飛絮外  
遊絲時捲落花間  
泉鳴屋脊高低隴  
草綠江頭遠近山  
放醉日辰忘甲乙  
兒曹休學老夫頑

登東山絕頂望海作以作三首改瑞安舊作

高登極望海南山  
萬里顏陽帶百蠻  
濁浪欲浮天地



外仙宮疑在有無間飄飄直作凌雲想落落遙懷跨  
鶴班更把謝家好詩句相將唱樂御風還

雨中放舟飛雲江作

客心偶向大江開一斗葡萄潑舊醅好鳥忽啼紅樹  
濕孤舟難禁白鷗猜斜風遠浦帆初卸細雨高城燕  
未回豈有豪情似宗慤綠蓑脚守釣翁來

江干散步

在瑞安作

何心擊汰復揚舲但自尋詩句再經日上海門雲色  
紫春歸官道草痕青荒堤水滿看潮信古寺風高聽  
塔鈴不惜散頭錢酌酒飄然却笑眾人醒



放歌行

要入世學聖賢要出世學佛仙  
入世出世惡乎然回  
頭一喝空雲烟何如渾渾沌沌  
玄又玄三竿絕勝羲  
皇前醒來但手詩一編不知不識  
消流年斯世於我  
何有焉

村西漫述

晴暘滿村西青苔迎客屐  
溪山耐寂寥草樹寒猶秘  
編曠未花枝僵列諸醜備  
迨乎東風來槎枒交自異  
萬花倏怒生光彩紛百媚  
帖帖引蜂心翩翩縈蝶翅  
影落高士罇香惹美人帔  
跡其繁華情直謂花無二



那信狂飈吹頃刻分茵廁笑非說法徒雅獲天花墜  
回頭念色空悠悠姑且置乃知雨露恩湛斯庸難冀  
却顧落花有衆樹又若覲或偃蹇疑愁或盤困欲試  
一旦際風雲亦復紅香被誰識粗怪能春色回天地  
所慨石火光渾忘蜉蝣寄嗟哉運循環遞嬗將焉避  
此落彼則開木屬尋常事不且年復年幾曾逆花意  
而况上帝心纖細畢不遺借今日取次舒昔日等閑  
棄乃省時出來氣機交偶植綏之與惜之均鄙不足  
記永懷無盡藏不可着思議但是哲人言過盛則召  
忌何如松柏林歲寒常碧翠萬古葆貞堅坐送世人



醉

以藥酒遺玉泉姪

用穀麴本

滿貯玉壺春微將遺酒人我  
~~陳~~公瑾德君比仲容賢  
少莫呼鸕杓清休漉葛巾須知此風味別有一坤乾

雨中遣懷

心遠由來地自偏空山况復足雲烟春濃夢亦遊香  
國雨滯家如住漏天石髮溪毛爭入眼桃鬢杏靨賸  
隨緣開尊徧試缸中酒醉讀南華不記篇

卽事

好鳥啼殘午夢賒日長無事獨煎茶非關頌酒將闕



閉怕有人來碎落花

溪行

白雲深處幾人家  
曲曲彎彎岫遠斜  
惜歎漁船來問  
渡春溪盡日自流花

雨後

雷聲忽送雨滂沱  
洗出雲中萬壑螺  
樹濕寒禁啼鳥  
少池平澗浸落花  
多且修淨供烹蔬  
笋休使比鄰惱  
鴨鵝却望長橋遠  
卧水故人無奈故人何

雨懷

邇來

病瘦於梅聊把

情

麝煤三徑雨從愁外



斷二分春向夢中迴  
花飛觸境皆成趣  
月上尋詩未  
易才何日得償禽  
尚願攜朋五嶽快傳杯

漫成

李白桃紅百和香  
春光晚晚費平章  
無言莫作妄言  
看下自成蹊照夕陽

又作

睨晚鶯聲隱綠楊  
遲遲日到夾鐘長  
千紅萬紫知無  
那付與漁樵話夕陽

又咏

盡日昏昏在夢中  
小窗了却幾東風  
花香鳥語雖無



分反得高眠悟色空

春興

花飛欲減春劇作酒中人自謂是元亮誰言非季真  
論<sup>平</sup>交無美<sup>入</sup>疾相<sup>入</sup>樂有慕巾坐傲東坡老天天費  
斗醇

南樓

節近清明天百五物華獨攬倚南樓春風長養雌雄  
竹暮雨鳴呼子母牛觸鬥<sup>入</sup>變<sup>入</sup>爭人自老烏飛兔落客  
何尤普門品在須叅讀滌濯心腸勝茗甌

寄懷友人







松邊石聽鳥關關得得行來去復還濃綠遠迴春野  
暮淺紅新泛酒罇閑重重樹映玲瓏竹簇簇雲深凹  
凸山鍾度水溪遙隱隱筇支且恣予心頑  
頑心予恣且支筇隱隱溪水度鍾山凸凹浮雲簇  
簇竹瓏玲映樹重重閑罇酒泛新紅淺暮野春回遠  
綠濃還復去來行得得關關鳥聽石邊松

春閨迴文

五言

空樓臥坐倦夢好醒鶯啼紅落花穿戶白飛絮漫堤  
風衣撲粉蝶雨幙隔雲泥潮去斷天碧遠書和恨題  
題恨和書遠碧天斷去鴻泥雲隔幙雨蝶粉撲衣風



堤漫絮飛白戶穿花落紅  
曉鶯醒好夢倦坐卧樓空

四十自述 集藥名

行年四十尚烏頭俗務慕蘆脂  
付蚤休弄笛何曾分  
玉竹牽牛但自了春秋  
違人一任苔生地坐地還甘  
草結樓百部藏書哀故紙  
幾經續斷幾經離

酒間漫述

老屋東西可寄頑  
西山賞盡復東山  
客來雨細風斜  
春色鶯聲柳色間  
千日何妨綠酒死  
一生未肯白詩  
間愁瘳只覺狂難愈  
更擬溫岐菩薩蠻

清明前數日作



但道清明近春風獨扇和白知飛絮暮紅見落花多  
佛也難爲島仙乎欲學坡吾生端有在不奈奈何  
拾同鮑秋園石璜溪二兄暨玉泉侄賞桃花聯

句

谷口桃花發相攜得縱觀鮑何心陪杖履適意足杯  
盤石盎盎春光溢融融露氣溥椿香濃蕙蝶粉色麗  
襯霞丹泉媚渾當風笑昏疑縞霧看鮑婀娜寒食近  
晚晚夕陽殘石引阮仙踪杳迷崔古道寬椿塗尋前  
度易面憶去年難泉帖帖齋紫艷蓬蓬捲浪寒鮑翰  
梅調鼎鼎讓竹報平安石且助亡筭飲休留不盡歡



椿明雷破慳各排日忘盤桓

遊畧南諸山偶憇古寺詩

相將搗濁酒趁曉赴溪南物外欣簪盞椿林中恣履  
探和風初長養鮑重露漸溼涵澹沲烟痕斂石霏微  
霽景含白懸前度屋泉潏繫去年柑笠敝村翁老椿  
裙拖野女憨隔籬窺過客鮑據牖織茶籃世味輕枝  
鹿石詩情入葛覃登登忘磴滑泉得得謝塵貪福豈  
三生種椿緣真一笑堪雲關藏古碣鮑霧戶隱香枳  
碧煖蜻蜓醉石紅深蛺蝶酣穿林驚覩眈泉掠水聽  
呢喃但覺遊絲重椿還憐仄徑掩人隨牛背笛鮑犬



近竹中菴樹下容趺坐 石池邊恣麈談香消心字篆  
泉佛鎮寶院龕蹴踏空龍象椿糾纏自爾蠶那知點  
頭石絕惟作守經蟬豈有天花墜 石終無米汁參泥  
爐修茗供泉貝葉補伽藍景逗沿山攬椿花省壓擔  
擔紫洄交遠瀑鮑蒼翠滴微嵐洞映鬚眉綠石園懷  
筍蕨甘不逢居士孺泉姑倒酒人甌鶴夢吾能續椿  
山靈爾或諳筋誇腰脚健鮑樂愛弟兄湛雨力添黃  
犢石泉聲長碧潭爭禁鏈戶住泉未肯對花慙此後  
春通盛遊惊欲此耽椿

上巳晚璜溪見遇至早始別遂作此以簡并



次前泛月韵

冷霧壓山城微風入袂清  
心知花徑迴眼遇故人明  
快飲高攜鍾雄談薄請纓  
永濟貪妄想寵辱兩無驚  
漏鼓隔春城黃昏境獨清  
風光踰上巳雨色近清明  
赤脚容趺座科頭謝獵纓  
史記日者傳渾忘天已曙  
注獵攬也  
只道宿禽驚

新晴遣興

溪痕驟漲欲平橋衆雨初晴  
景正饒滿屋清陰先夏  
貯加餐碧筍後冬燒  
竹根冬筍甚多園丁不解劇子  
恐清明春筍茁時便爛乃喚山  
中人來尋遂得數十枚  
霜華應氣仍爲露竹狗迎機  
朝餐晚食皆取供馬



乍似犒竹狗者蓋山中人恐狸獾盜其薯種乃截竹為之而設機於水水滿機發則聲如狗然故  
狗曰竹不堪幽懷何處寫澆欄閑弄一枝簫

記事

節候雖然煖陰陽氣不停雁迴遙塞紫春入亂山青  
雨渺三冬雪雷多二月霆霎天潮累月只好學劉伶

幽興

此竅何能鑿吾生但覺空人等寒食雨世界紙錢風  
日晴鄧林外春深謝豹中笑也羣鵲子何喜報樓東

西村書景

上巳已過清明遲黃鸝求食聲聲有時雨下兩三



點何處花開八九枝  
夜木動青聽流泉瀼瀼生  
隱思養花天氣暗不定  
山動牽遊絲

古詩

秦王燒群書欲以愚黔首  
誰無聖人經天造六丁守  
坐哀眾腐儒詩禮發塚久  
一旦坑咸陽其罪固自取  
若果鴻飛冥豈能罹其咎  
迨漢求遺書空山徵老叟  
端賴呵護靈桓桓宣諸口  
萬古聖人言明白列誰某  
鄭重竹簡殘錯訛隨前後  
疑則復傳疑不敢擅可否  
厥後訓詁開名物細如剖  
千秋與萬秋經義同不朽  
如何宋代人各自闢門戶  
學道曰道學言爲衆聖輔



輔經反蔑經不自知怪腐或藝然而刑或公然而補  
或移後作前或信今疑古嗟哉心不平遂致氣莽鹵  
聖經尚如斯諸賢何足侮嗚呼愧西河舌似懸河吐  
亦復慚隨園眼不到兩廡自愧還自慚情知讀書苦  
一經不能明何況遺經五且作咏古吟姑自抒肺腑  
一任漢宋人孰差與孰愈

題范孟博傳後

欲教兒爲惡惡固不可爲欲教兒爲善自顧已如斯  
哀哀孟博語聞者空涕洟嗚呼君不見伯夷

暮春蚤起有作

此花意



漠漠羣山真幽禽  
溜晴啼鳥動  
花重嶠東西  
雨色空濛暗雲光  
黠黠迷下  
宅燕蚕已啄芹泥

初夏卽事

綠樹陰濃映短牆  
春迴尚剩數枝香  
詩情不與花俱  
盡睡興還隨日並長  
古硯微分梅氣潤  
生衣乍怯麥  
天涼銅瓶自浸薔薇水  
隔竹呼童煮茗嘗

戲作

子欲學作詩誰可爲師者  
往吾師丈人卽是此君也

漫成

一卷黃庭一炷香  
空山行樂未渠央  
倚人若問居何



許半在醉鄉半睡鄉

園中新笋大而且多不意一夜間爲里中兒所

竊詩以悼之

山中土膏肥厥壤惟黑墳養成萬琅玕權學竹林隱  
歲歲生籜龍時過清明近非惟凍雷驚還籍東風緊  
長養凌雲材短長各自蘊每禁饞口涎終虛老饕吻  
未敢孤此心幾回將咒誓言騙麋眼離珍重護新笋  
况復舊牆佞及肩盜易引斷竹宜續竹恒將謾藏謹  
如何吾家奴竟比辛秀蠢故新笋隙藩不顧人嘲輟  
遂來不逞徒潛踪越區吟盡此花中將參差付一盡



是夜雨濛濛霧月偏未墮  
可憐羣犬聲嗷嘈空自忿次  
乃知天地間酬恩務在忍三復  
非關彼蒼蒼報施無憑準聊爲作此吟深向龍孫憫  
預議明年春植援高棟槿

種松辭

山人心嗜利不顧老松摧那知千歲根下有茯苓胎  
一旦斧爲薪誤盡鳥歸來濯濯與童童土冷骨亦灰  
春風吹陰壑碎石生蒿萊細雨趁清明重覓松栽栽  
山氣互蔽虧土膏相滋培十年云種樹吁嗟揮鋤纔



萬古蒼茫意造化，權獨該孰識徑寸苗。卽是梁棟材

新柳

裊裊長條跪地垂，春風乍把麴塵吹。鴛鴦藏靜夜，休嫌  
冷馬繫斜陽。莫怨遲遠道，愁生青塞夢。新腔唱斷白  
家辭，年年雨色煙光外，不縮蜂雄蛺蝶雌。

四十示兒

錦瑟絃多尚未彈，卅年已覺作人難。馬行風逆牛行  
順，蠶要天溫麥要寒。萬古心傳猶稱一，吾儒性命在  
懷安。公明儀語分明載，好自研窮莫自謾。

四十初度

此花言



四十成初度飛騰笑若何却其動性奇歎翻愧歷年多

骨相從非壽生涯且自歌山荆韓處莫感未為婆

大兒將納婦而  
亡已六年矣

繞膝憐兒女癡頑與慧并學謙經世務求悉古人情

道本宜耕鑿書真記姓名解將一尊酒歡聚祝長生

往日知知今是今朝覺昨非半生閑裡過長晝夢中違

事業看詩卷年華問樹圍從此杜陵叟只羨古來稀

豈有白雲鄉終無却老方小航思自度仁和陸解元  
飛慕張志和

之為人於西湖自造新釀許人嘗孟浩遊京遠浩然

本名浩以字行年孫弘牧豕忙漢公孫弘年四十  
尚牧豕海上野



夫何所似兩字付尋常

雨

盡日對冥濛闌干俯半空  
春深紅雨外夢重綠雲中  
得意時捫虱關情那問鴻  
惟將一樽酒誅蕩補天功

薔薇

十丈籬笆翠結圍春心綿密到薔薇  
不須爲羨琉璃露自有濃香染布衣

朵朵花開鬥淺深誰家姊妹唱歸心

又一種名晚枝  
七姊妹

婀娜嬌無力幾度風來忽不禁

滿架濃陰映夕陽可人端讓此花香  
攀翻莫使輕相



折恐惹深叢刺短長

春山一夜雨濛濛濕透香肌  
紅但是壓條無賴

重累人未免怨天公

恨煞當年野客禰只今為洗酒三升  
東君渾買花心

笑亦費荷錢不計繩

醉中作

春山樹樹叫提壺幾緡平生興不孤  
醉裏笑將枯髑  
問只今還悟臭銅無

卽興

竹窗寂寂晝遲遲一片淒迷欲雨時  
忽見隔牆新綠



外石榴紅出最高枝

夜半與山妻對飲戲贈

良宵不成寐喚醒老妻眠共盡杯中物同爲酒外仙  
好完兒女債休結去來緣此後楞嚴咒他生各自堅

夜行遇雨

碧海驪龍夜弄珠騰空倏被迅雷驅怪他一片催詩  
雨不管行人在半塗

風流記得老鬚蘇好事曾傳箕履圖我幸夜歸人不  
見淋漓一任鬼挪榆

端陽夜坐雨漫賦



花愁酒夢兩迢迢好節何堪夜雨消藥氣薰人憐病  
婦燈光照几怯殘宵餘寒陡回疑中峭斷漏遙從樹  
外銷黯爾空階聽滴瀝幾回容易却明朝

和殷曉園先生諸影詩次韻

花影

闌干悄悄月茫茫觸境陰深那辨香隱約疑人來隔  
塢迷離似畫抹斜牆言忘更比黃花淡色迴何如碧  
露涼獨是殘枰遮半局慚無艷管譜幽芳

竹影

一林寒碧向人搖不是王猷興亦饒碩碎乍收將暝



夕參差初散欲晴朝  
筇聲不怕紛紛礙  
暑氣端欣漠漠消  
坐惜花枝濃淡影  
等閑容易付風飄

簾影

纖塵隔斷鎮常垂  
十二層樓不可披  
日氣細侵光漾漾  
風聲微度響遲遲  
波斜欲逐桐陰轉  
翠暮疑隨草色移  
緬憶放開楊柳月  
幾回神在颯瀆詩

燈影

流蘇斗帳透玲瓏  
曲曲蘭房一色融  
宛轉紅搖春夢斷  
深花碧引曙鐘通  
多情偶爾餘照有  
恨何堪映別哀  
若果光明成徹悟  
不將身世怨朦朧



又咏影詩四首

花影

珊珊步到隔蛾鬚莫是魂離倩女無  
小院遲遲憐晝永閑堦緩緩怯春徂  
痕深暗護苔紋冷影重濃迷蝶夢  
孤記否茅亭逢月宿滿身歷亂倩人扶

竹影

蕭蕭颯颯逗斜陽一碧無情上古牆  
繞徑陰沉千个密干霄影鬥萬夫長  
吟餘獨愛搖腮迫醉外還憐過酒涼  
笑比湖州他日畫端應贏得襪材強

簾影



約住春風又隔花  
貪看翠地水紋斜  
踈踈任壓烏龍  
臥瑟瑟從招紫燕  
譁素月忽添金  
碩碎初陽時弄玉  
了又無端憶到西  
山雨捲盡玲瓏  
恨獨賒

燈影

龍膏鳳髓等秋塵  
坐對茫茫蕙葉伸  
一室光從窗缺  
擺三更影向夢闌  
親飄颻遠逗珠簾  
靜晃蕩斜穿綉  
幙新幾度相思憐  
永夜勞君細細寫  
橫陳

溪上

溪流無復見花飛  
繞岸松杉綠  
竹圍錦石文  
鱗疑可  
數菰蒲翡翠若相依  
斜陽滿地鴉初亂  
半夏生時稻



正肥小艇不知何處客飄然意得柳風歸

獨酌

獨酌不成醉高歌空復情斷雲遮樹暗殘月照屢明  
夜氣把山壓春愁如水生端應故人夢亦自覺雞鳴

翫月

一片蟲聲合鳥聲歡然雨止目祕生高臺露滴槐陰  
重薄夜風吹海氣清酒碧頻添吟外賞燈紅任向夢  
邊明相隨喜與妻兒共那管孀娥意不平

曙望

檐牙雀繞曙空鳴漠漠長天入望晴日上霞如魚尾



卷風迴水似縠紋明新紅半綻梅痕淺嫩碧微分竹  
蔭清莫笑無能銷晝永一椀看釋蟻酣爭

卽事書懷

赤日逼恢台蒸人汗如洗短長換吳綿新故試白紵  
樹杪絕清風重將舊扇理薄午海外雷倏然震百里  
一聲隨電轟欲聾三日耳不知何處潭驚出兩龍子  
濃雲下草堂兩師亦並起半日勢滂沱遠近惟見水  
但聽迅雷催不聽迅雷止入夜轉纏綿山風鳴窗紙  
料峭作做殘寒深宵入布被如何五月天亦尚未足  
恃却念綿衣情信同棄扇似轉絲與迴黃天道固如



是須知萬古遙片時等而已

雜詩

漢廣有神女嬉遊江之潯偶逢鄭交甫解佩情何深  
可望不可即縹緲愁人心微波波在通辭翠鳥空好音  
歛然形影滅相思何處尋我想人間世結髮有同心  
蘆簾重裙布綉閣憐瑤簪死則云同穴生則云同衾  
如何蕩子意顛倒癡不任

西山晚眺

暝色沉沉隱翠微高堤望斷夕烟霏長亭路合原前  
樹曲澗泉環竹下扉石丁風涼人獨往簾鉤日落燕



雙飛昏黃送盡牛羊下一片鐘聲絕是非

是亦菴銷夏初集聯句

閏端陽日

拙極容高臥乘涼會北窗園蔬聊供饌蘇椿鄂曲且  
隨腔再進端陽酒王大重飛競渡艤石榴紅照眼蘇  
待助鬢了雙

借此消煩暑

蘇玉

松林復竹林婚乘懽坦腹

椿

風至

快披襟洗硯池徒湛中大催詩雨獨深大家添靜趣熙

閒數暮蟬吟

老屋隣臣叔玉烟霞足道情天倘饒樂事椿地臘閏

餘醒重結蒼松中大虛懷白水盟悠悠蘿薜意熙誰不



負平生

杜老長鑿在

玉泉

何妨與俗違  
瓠瓜從瓠落

椿

蝶夢渾

依稀小住聊為耳  
中高歌果孰非  
聞今當不惑  
熙欲

續鶴南飛

玉泉

是亦菴銷夏二集以竹深留客處  
荷淨納涼時

為韻聯句

好客屢蒙招

魏

永燒春不須漉  
超然樂披襟  
蘇况對

竹林竹脩脩  
招遠風

蘇

清聲勝絲肉  
琴眠綠陰涼

大

中足可坦君腹

古時河朔飲

蘇

玉銷夏有同心  
重以濠濮想  
鮑兼之



山水音意適吟長短椿言忘境淺深白蓮香自在蘭

暑氣果難侵

極望雲峰疊中炎蒸汗欲流真如飛鳥畏泉那若化

魚遊麴葉還能受鮓茶瓜且爾留夕陽無限好椿興

不減南樓

滿樹暮蟬鳴蘭幽思永今夕石榴綻猩紅杖豔豆裁

水碧去日閨端陽玉一往成陳迹更莫戀形骸鮓百

年亦是客

洗盞更盤蔬椿勸君莫便去何必如何會蘭十萬無

下箸相逢須盡歡中况在雲深處萬古利名癡泉玉吾



心非杜預

卜夜敢辭老

鮑

銜杯仍醉歌暗蟲環斷砌椿高樹掛

明河露滴草邊草蘭風吹荷外荷齊心同所願杖不

復問如何

酒德頌劉伶

玉

以之爲性命今奈老弟兄鮑雅好慳

真性此心明月如

椿

萬里橫空淨無若宋人然蘭助

長把苗病

空濶窗洞開

中

涼風自出納綠樹老周遮玉蒼苔深

匱匣時燒古鼎香

鮑

欲學空山衲只恐未忘情椿何

妨追噓噓



人生寄一世蘭嘉會不可常  
共仰鬚眉綠中大休孤笑  
語涼幾迴悲老大玉容易感滄桑  
獨有壺中好鮑相  
留盡醉鄉

莫負逃禪趣  
傲傲屢舞時  
清涼分夏木  
蘭故事數南  
皮竹葉尊常滿  
中大蓮花漏任移  
碧筒添逸興  
後會續

休遲

玉泉

雨望

當晝倏若暝  
迅雷轟半空  
雲乍將到地  
雨疾欲穿蓬  
望斷江湖外  
涼生蒼茫中  
老天情不世  
此境盡人同

西番蓮



西番蓮本是西方七寶巖分滿架香到夜曾經天女  
散此心婉妙果殊常

十五夜雨後璫溪過訪并攜昨夜雨中見懷之  
作卽用其韵奉酬

舊雨新詩兩雨叨多君意不厭蓬蒿月斜迴照踈籬  
濕風遠涼傳古樹高慵臥羌無并歲譜拙生且共一  
觴陶竹窗燈火歡留處此後毋忘夢想勞

和殷曉園先生閏端陽詩韻

南風雨度競舟龍節閏端陽樂普同身健酒仍聯地  
臘命長絲更續天中釵頭躑繫蒲人綠豹脚徒驅艾



火紅笑問當場重慶客廿年俄已半成翁

四山空翠隱一雨入昏黃  
野外蟬初歇雲中月自光  
氣迴荷芰馥聲到竹松涼  
耿耿懷人意愁聽玉漏長

消閑招酒徒十日飲亡何飯  
煮長腰米瓜烹折項壺  
南風紅稻足暮日碧雲孤  
莫負尋詩約松門似畫圖

是亦菴招華君松生小飲作此奉簡

雨氣捲荷風一流清到骨水影蕩簷虛流雲吐華月  
落落初晴天能使高興越且自放童蒙詩云與子曰



坐溯文字因緣卜簪盃忽趁此樂招要來會山水窟  
無是亦無非不衫還不襪共盡酒一尊爭禁汗濯髮  
如何冰雪腸熱氣興馬勃豈其不平心快向毛孔發  
莫問夜何其莫愁壺或竭而况吾家兒挹彼注不竭  
大家休恡歡不醉歸毋卒倘誰歌式微請受金谷罰

奉贈華君松生

鄭虔三絕畫書詩快飲還欣灌漏卮獨我瘦生非飯  
顆每慚黃絹外孫辭

三年咫尺等河山

君館石園三年因予不出戶未遇  
庭又常晏起故至此始乙會

緣終一面艱靜裡微恭禪意透不將消息怨天慳

過



一尊暫屈會南樓  
雨歇涼蟲欲變秋  
坐聽清談渾不覺  
月光蚤下屋西頭

兜走烏飛各自忙  
浮生贏得幾何狂  
黑甜鄉外詩并酒  
夜語遲借平用君續對牀

閏端陽後作

空山盡日夢遲遲  
物候真從一覺知  
五月斯螽初動股  
三秋故扇又當時  
陰分古樹陰章蔭命續端陽兩  
度絲聞道北河重  
競渡買舟欲赴故人期

夏日雜詩

赤日烘雲雲忽裂  
熱光逼作奇峰凸  
跣足但頭氣不



蘇魂飛想臥峨嵋  
雪火雲乍被水雲  
尅奄互深踰壓  
山黑多情幸賴故  
人風蕭然送入清  
涼國

雨

幾陣瀟瀟雨黃昏  
漸送涼清音梧竹  
潤氣逼衣裳  
海燕生雛老莎雞  
振羽忙琉璃長簾  
滑一夢落瀟湘

閑坐

暗水潺潺繞草堂  
豆棚閑話坐昏黃  
紅榴自結房房  
子綠芰初生處處  
塘秋近河流天際  
白山空風到夜深  
涼北窗即是神仙  
窟何必崎嶇訪帝  
鄉

閑關



舊雨新苔意兩閑  
韜精倦閉伯倫關  
南風不競秋陽亢  
艾火無功豹脚頑  
三徑地偏隨夢古  
十洲人遠屬緣慳  
何能更學棲邱客  
滿壁圖成臥看山

初秋夜詠

境寂山空夢亦幽  
野心蚤被白雲留  
紅蓮謝水時還熱  
赤稻登場節已秋  
風外暮蟬踈欲斷  
月中涼簟滑疑流  
萬緣際此真俱寂  
但比僧鬢髮滿頭

谷口卽景

谷口清泉引趣長  
時來枕漱勝濠梁  
無端斷磬迷僧舍  
幾點歸鴉隱女牆  
但得逢秋饒赤米  
不妨遇閨厄



黃楊此生已分耕烟老俗務隨兒自主張

憶友却寄

往時舊雨悵離群  
慰我空山獨賴君  
今日重憐涼夜  
永幾多詩思向誰分

梧桐葉落盡  
知秋銀漢迢迢似水流  
此後何當乘好  
月同君長嘯碧峰頭

看雨戲咏

一番雨過一番晴  
一半雲無一半生  
盡道秋來牛背

隔古語云秋此中消息究誰明

老天遊戲妙無涯  
成就山居一段奇  
解否世人翻覆



手莫相疑亦不須疑

大風歌

萬峰昏黑雲蓬蓬大聲歛起空山空砰砰訇訇隆復  
隆閉戶遙猜毋乃風深驅暗突西東下上或云龍當  
其未至今纖草亦不動及其將至今水波忽然湧逆  
其已至今打窗排闥勢瀕洞如推如挽兮何其重如  
壓如拘兮何其勇恍兮恍兮聲震屋瓦其中疑有百  
萬鐵騎奔馳蹴踏把人恐又恐有酒雖助意氣豪有  
耳終覺形神勞相傳山足亦會斷巨鼇更愁七竿屋  
柱地上繫許穿枯摧朽拉心惛惛鬼亦不敢哭神亦



不敢號依枝附木。猛遇沟沟湧湧。被着吹去。將焉逃。  
魂飛魄散。難餐餐。子子于于。反愧曹吾曹。起視月光。  
隔雲高側身。天地首重搔。四村人鳥。尚未收喧嘈。孰  
意崖迴谷。互忽又生回。颺傾刻。去雷萬霆。簸蕩崩豁。  
重相壓。直使乾坤海岳。琅擺復搖。豈其飛空爭流。  
橫流俱怒濤。令人驚。齧颯骨毛。何如息息靜坐。將燈  
挑一尊。慢讀騷人騷。爲語奔騰澎湃。龍與蛟。汝好淨  
掃小池。暑熱無息。不妨捲盡杜老屋上三重茅。

讀項果園先生詩彙作

讀罷遺詩思不禁。浮生歲序易侵尋。山中又見飛梧



葉壁上仍聞促織吟  
宋玉枉傳愁意古  
唐衢誰惜淚痕深  
可憐三疊歎欵曲  
那向成連索賞音

賦得七夕十四韻

一帶水悠悠  
明河迥不流  
何人逢織女  
七夕會牽牛  
幾處靈還乞  
當年債莫酬  
星榆空歷歷  
露葉已颼颼  
勝事傳今古  
新詩入唱酬  
依然瓜果列  
一樣雨雲收  
瓦擊雛兒手  
橋填禿鵲頭  
蛛絲憐宛轉  
鈿盒感綢繆  
月冷鴛鴦錦  
風涼翡翠鈎  
愁深穿線伴  
恨重曝衣儔  
抱道寧安拙  
居家自寡愁  
醉殘湖海暑  
吟斷芰荷秋  
有得癡俱巧  
無求夢亦幽  
須知老郭令  
不獨是神庖



七夕即事

萬里無雲月似鉤  
西風涼散滿城秋  
長河杳杳憐烏鵲  
永夜迢迢憶女牛  
石煉難填終古債  
絲纏頓惹一天愁  
兒童到夜饒歡趣  
瓦擊桐陰恣不休

七夕雨作

忽報催詩雨洗秋  
片雲豈亦妬牽牛  
歡遠此夕空添  
夢巧在何人果得  
床萬劫不消兒女恨  
三更如攬古今愁  
憐他犢鼻誰家物  
濕滿竿頭尚未收

賦得一葉落

得桐字

月當夷則律一葉下梧桐  
乍見辭枝獨還驚得氣同



光初寒白露色未老涼風片影隨  
螢渡孤心待雁通  
數時休誤閨流處却非紅斗望  
痕難辨頻題意易窮  
秋迴九天迴信偏萬山空欲擬  
無雙白終輸太拙工

唐薛能字太拙有  
一葉落試帖

咏老少年

暗紫嫣紅換眼前幾經涼露倍新鮮  
人生不化真輸  
草每到秋來復少年

咏雁來紅

杳杳南天未滯鴻信風發報雁來紅  
乃知太古羲皇  
歷卽在空山草木中



自詠

伯也何辭笨人兮孰怨愚涼姑鬪竹戶悶且漁巴歛  
病酒看瓶臥眠雲聽徑蕪南華寧悔讀已縱馬牛呼  
習懶不卽懶破雲還自鋤葉光疎雨濕衣動暮風徐  
淡月起潭外涼秋愜夢餘柔奴言語好意得卽安居

咏史

君不見嚴子陵釣竿千尺亦釣名文叔欲拾人心計  
布衣爲重天子輕一旦赤足加腹臥奕奕客星從此  
大惹起虛名滿世間萬古千秋只一箇吁嗟乎五倫  
缺一亦不可家風故劍何相左娶妻必得陰麗華此



心此術毋乃叵嗚呼此心此術毋乃叵微時故人空  
如火

題永嘉項果園先生遺稿

鄭公三絕擅高名一代華才舉室清堪歎甌東三萬

戶潛哉之後獨先生

張潛哉先生諱慕母

宋時詩說四霧優那及先生氣橫秋如此通天一枝

筆風流直欲尚丹邱

明何白號丹邱老人

文彩風流是我師追陪尚憶少年時一編大學殷勤

矚悟得初心悔已遲

殘膏賸馥丐人多佛眼觀人奈世何識取一生心術



在請君三復教兒歌

七夕後數日夜遊山南作

南山澄爽氣不厭夜頻探有意風欺樹無心月印潭  
細泉鳴曲澗微梵答遙菴笑指銀河迥巧多何似慙

長歌行

君不見險莫險於鴉昨山人人來往若等閑又不見  
險莫險於呂梁水人人出沒忘生死吁嗟乎天地設  
險險有窮舟車盡處人力通惟有人心之險險無比  
將人性命作卵累嗚呼誰知造化循環道可憐禍福  
皆由自己求



竹夫人

何須倚翠復偎紅  
一種風流迥不同  
夾膝頓生涼料  
峭齊身都化眼  
玲瓏常隨轉側  
無人妬日報平安  
有夢通更願普天  
眾獅子吼聲如  
對此若空

集古

心遠地自偏

陶淵明

涼風撒蒸暑

王粲

絲篠媚清漣

謝靈運

亦棲肥遯賢

謝靈運

雖非休憩地  
得盡養生年

同上

集古

要欲追奇趣

謝靈運

冷冷澗水流

劉琨

白雲飛暮色

楊素

明月



照高樓

曹植

爽籟警幽律

殷仲文

陵宮哀素秋

吾生獨不

化

俱郭璞

顧望但懷愁

曹植

集古

青翠杏深沉庭昏見野陰  
夜蟬當夏急涼簟覺秋深  
惻惻廣陵散悽悽莊烏吟  
達人知正足此理著來今

坐雨有感

雨迫風簾夜氣幽一燈涼照半牀秋  
茫茫浩浩愁終古欲借天河作淚流

檐端溜急不停聲切切哀蛩近榻鳴  
倦坐支頤無賴甚短衣漸覺夜涼生



雜詩

恨深寐不深夢斷愁不斷愧非飯牛才空歌夜將半  
不叅老婆禪不具小斯眼但啜米雙弓吁嗟樂無限  
亂雞啼膠膠候蟲如相答忽見屋梁光月落上吟榻  
清江秋風多鱸魚自尺半悠悠萬古名何處尋張翰  
種蓮蓮不成種芰芰滿沼試看秋花生果結竟多少

中秋夜雨

茫茫風雨意如何對酒當歌懶自歌隔水遙憐烟色  
閣沉雲枉羨月光多夜中夢獨忘蕉鹿秋半香初老  
芰荷料想翠妻應尚在笑人好景又生魔



雜感

終日昏昏決漏卮，醉生夢死兩何知。  
連宵暗露零梧葉，到處光風上桂枝。  
千里別音逢雁遠，一天涼意入秋遲。  
非關罕見鄉鄰面，半是踈慵半課兒。

獨立

獨立蒼茫自詠詩，杜暮鐘杳杳出雲遲。  
吾今但喫桃花飯，懶把禪心悟木樨。

讀華萊園先生逢原齋詩鈔追和其秋風等六

咏

秋風



萬里秋風至空山忽忽號寒侵人料悄響戰葉蕭騷  
浪破長無恙鷹飛徒自鏖更看雲淨盡吹上一輪高

秋雨

漠漠連天雨秋深獨對中清光隱巖岫冷氣逼梧桐  
舊蘚空堦合新寒小院通鎮憐何水部孤耐夜燈紅

秋雲

一片雲容薄人情慢品量有時疑練影何處是仙鄉  
窈窕遮茅屋輕盈逗夕陽載來頭上雨如釀九秋涼

秋月

十二回圓月當秋果倍清休歌金鏡破渾在玉京行



夜迴烏飛遠江空露下明阿誰吟達曙端不負詩情

秋山

滿眼夕陽黃村村露遠岡山容如翠滴樹氣入秋蒼  
徑曲迷樵唱峯高挹海光不知何代寺鐘梵隔林忙

秋水

終古此澄鮮盈盈欲接天虛涵萬象影涼浸遠山烟  
妙諦參蒙叟逸情寄水仙美人在何許一望芙蓉連

旅泊擬作

暫作離家客昏黃伴白鷗風淪半江水月浸一船秋  
雁響驚寒夜烏聲動別愁輸他洛陽估叟夢大刀頭



江上擬作

木落洞庭烟孤舟思渺然水寒紅蓼雨秋老白鷗天  
累月惟中酒思家不計年故鄉何處是望斷暮雲邊

南樓卽興

寂寂長江雁到遲夕陽遙望獨凭時故林乍染倪迂  
畫秋水新添杜老詩歲熟肥田皆蠶刈天寒病客果  
先知一生自患情多甚却問情多孰受虧

雨望

門映綠筠深流觀對曲澗雨拳秋鷺足風坼野蕉心  
坐拙幸知己移情愧賞音可憐真苔色隱隱自同岑



暮秋閑咏

九月風高葉亂飛暮山無際帶晴暉秋深影落黃花  
淡海近整登紫蟹肥勝具輸人空蠟屐幽情佐我有  
牛衣新歌獨譜田家樂和徹樵聲沒是非

九日獨酌

牆東秋老菊花香醉倒籬邊野趣長不是吾儕錢不  
惜百年風日幾重陽

烹得菘肥又芋肥花中坐遣羽觴飛醉餘欲傲陶彭  
澤一片深情待白衣

莫笑悠悠臥白雲無能姑是漫云云光陰肯把良辰



擲不被詩分卽酒分  
豈有風流閑孟嘉筋疲吾且醉吾家天時况復多温  
煖露頂閑簪兩鬢花

蚤起

寐覺鴉啼候山山曙望通人烟浮渥白水影上牆紅  
犢響來村外經聲出壑中狂塵無際碧夢夢古今同

對月感懷

九霄雲淨月如盤萬籟無聲冷露攢正是授衣好時  
節緜袍空念范睢寒

九月十五夜放歌



一年之中秋最佳遠天碧淨青無涯景光直照千萬  
里不遣雲霧深遮靈憶當初秋渡牛女明河下映瓜  
筵排三五二八圓又缺照人病骨偏違乖念到中秋  
或還倍誰知風雨交沉埋嫦娥不見蟾兔隱小山叢  
桂空依岷披雲斫霧無長劍新詞千古慚寡諧天柱  
峯頭勞夢想俗緣齟齬仙難借滿意尚有九月在福  
薄未必真吾儕登高濟勝雖無具黃花能伴醉小齋  
餘情留着明後酌蟾蜍光裡清吟俳合計一年惟此  
月此月若負難為懷果然天不違人願小大漏早補  
女媧不獨無風并無雨天氣和暖情孔皆花開當春



月當客悠悠相對忘形骸人生萬事貴適意何須走  
馬長安街豪情快飲不論斗酒量真直欲無滄淮年光  
轉眼駒過隙焉能局促如疲駟自笑天生我材必有  
用如此拙野宜何差只好擔風兼弄月隨緣助樂懽  
荆釵况彼一秋好月一宵償光徘徊遲苔堦欲雪  
從前踈懶恥夢國姑且拋大槐非惟一墮隔年見卽  
昨亦復纏微痰盡倒菊花柔落酒月罇相映光如楷  
從此夜夜夜深深恣賞由他滿身涼露如珠篋

望明月篇

望明月月團團影落千峯靜生萬里寒扶桑乍上



疑猶嫩宿海初離恐未乾  
照來鳥道千盤易傳出  
人心鳥道知何若  
世界茫茫異苦樂幾處  
悲歌行路難  
幾家快奏合歡樂  
誰將離別怨關山  
誰慶遭逢  
邁衛霍舉頭見月月不言  
清光自度溪西閣  
溪閣悠悠枕山阿  
若有人兮衣薜蘿  
何心夜氣寒如水  
不意雲情薄似羅  
烏鵲南飛河漢杳  
大江東去古人多  
到夜浮生直夢似  
惟愁風雨奈何  
何豈有詩篇問  
明月豈有浮槎貫溟渤  
名字終無闕澤窺  
桂枝那羨吳剛伐  
但求清氣沁肝脾  
但乞清光濯毛骨  
况本人間吟嚙徒  
應被嫦娥笑鵲突  
回頭萬事空雲烟一



垣之洛無愚賢不如夜夜坐對月芳尊綠醕懽生前  
吁嗟乎君不見秋風渭水哀銅仙阿房一炬誰爲憐  
金釵鈿盒等閑事長信昭陽亦徒然休抱菱篋唱無  
渡休彈錦瑟感華年何似先生竹門下一曲歌傳人

月圓

蚤詠

柵禽曉無聲隔溪忽人語竹窗含曙光曉笑起兒女  
殘燈耿餘輝炊烟滿牖戶不知扶桑外曜靈景何許  
山氣寒侵衣力薄難撐拒况復秋風多撼撼響疑雨  
空堂獨坐幽清意溢腸肚茶分羊旗烹米借雙弓煮



飽後續混沌宜榘不敢阻請閱時游蟠葦窟識春秋古

月下贈內

嶮崎歷落憶當年一曲無愁演色天尚記花陰坐相  
祝鴛鴦作做了作神仙

松花酒熟月華清共話平生感慨生悟徹雨雲翻覆  
手惟卿憐我我憐卿

晤綠齋前茉莉一株近十年矣秋後忽然枯死  
詩以悼之

晤綠齋前地雖窄眾花圍繞紅間白四時看花花不  
缺就中茉莉最奇絕茉莉柔枝高十尺宛宛花開似



碎璧不畏炎天烈日蒸只愁臘月霜風逼茫茫忽地  
換年華榦朽株枯不見花可惜朱闌明月夜瓦盆冷  
落委泥沙從伊開落花多少從伊子結陰濃繞坐送  
春迴又復秋眼穿不覺腸俱斷工夫枉自記辛勤十  
載迢迢等夢雲無限相思何處訴空將楚些吊夫君  
君不見天自高高地自厚開闔闔速有亥丑由他桃  
杏笑春風千秋萬歲同烏有

蚤起

犬亂復雞聲棲禽亦盡鳴坐催暘谷日來照昆陽城  
樹老足秋氣人閑深道情不知板橋跡葛屨幾先行



蚤望

谷鳥呼人起，憑軒意浩然。  
扶桑初浴日，厦屋已飛烟。  
坐聽齊時鼓，行看刈後田。  
是非心兩息，物物一先天。

夜中閑咏

稻穫空雲水，鄉村夜望寬。  
山高隣月小，木下覺風寒。  
但慣杜門樂，何能行路難。  
不才閑適命，敢負夢平安。

秋興

山色帶霞暉，山房映翠微。  
行吟黃葉下，臥看白雲飛。  
氣候從寒煖，人情自是非。  
桃源知不遠，境只在忘機。

初冬月夜



九十秋光逝冬心續未闌一樽人對月終古客凭欄  
樹氣浮霜迴泉聲咽石寒何能憐社老兒女憶長安

對月有懷鮑秋園表兄

宵分坐見月皎皎清輝澈人骨呼兒泛金尊黃流乍  
浣玻璃魂高歌振林屋影形發亂敲幽獨相對轉懷  
人秋非兮秋兮春非春滿眼張張恁何極一在山南  
一山北兩地光臨兩地愁黃蘆咫尺添離憂百年三  
萬六千日大半光陰屬愁失寄言一月笑幾回月光  
如此何弗來甕頭缸面不論斗絕愛高情能耐久閱  
人成世等浮雲悠悠那羨屠羅手第也閉關深復深



如兄惟許見<sup>月</sup>相尋常憐碧海青天色竊比千秋萬古  
心

江閣曉望

月落數峰青江空夜氣冥遙村沉宿霧淺水浸疎星  
粥鼓僧初擊霜橋客早經丹楓顏色好渾不畏凋零

翫月歌同石璠溪作

昨夜雨今夜月對此那能不作達今夜月明夜陰對  
此愈覺情難禁百代由來若流水前水後水無窮已  
茫茫去日不可留今人古人空煩憂有酒不醉將誰  
待西王霜鬢君知不一尊好鬥身現在得莫歡兮失



莫悔風光况復迴宜人夜氣青蒼莽  
桑海漸今作事  
謬誤多且學謫仙與東坡惟願此生酒共月常滿不  
使人來不飲奈明何

夜坐

古道斷人行山城已二更香篝羅綺  
晚影對壁燈清  
夜煖知霜熟天空覺月生一絲都不掛何處著機聲

秋興

忘情至竟屬無情那悔踈慵誤半生拙婦徒然勞井  
臼雛兒頗盡識杯鐺已教種秫追元亮何暇操搗學  
正平竊幸此心茅塞似誰能摸捉為鐘聲



中夜

中夜獨悲歌無能不奈何敢唾夸父杖終愧魯陽戈  
夢果緣寒淺詩真入醉多虛心還愛竹擬種滿山阿

江心謁文信國祠

古樹荒祠兩黯然老龍空識誓師年招魂燕市無朱  
鳥恨繞甌江有杜鵑半壁中興屬天幸孤兒異代惹  
人憐南陽盡瘁睢陽烈併入艱危九死傳

大浪難淘百折深崖門目極暮雲沉殘山剩水悲臣  
主碧血黃冠感古今萬里中原非故國千秋靖難有  
同心臨江薦罷蘋蘩後欲學西臺擊竹吟



贈內兄金二玉振

不信飛雲隔睽違竟至今十年親戚話中歲樂哀心  
誼爲囊空重愁因會數深惟能知我恨愈覺感難禁

憶華二松生

黯黯空山靜思君又一時天寒紅樹晚日暮碧雲遲  
古道傳盟笠浮情尚歡醜三生知己願未易外人知

自笑

自笑蕭然百不能睡醒無事互因仍讀書頗似倒啖  
蔗處世端如行脚僧鋤月種梅隨地可省山荷鍾半  
生曾江春又入殘年舊幽興何人待雪乘



送內兄金二玉振

去去河橋畫舫行  
踟躕悵立感平生  
廿年憔悴悲夫  
婦兩地彌縫望  
舅甥無限別離增  
夢想幾回榮賤重  
親情須知一掬傷  
心淚染上衣痕看  
莫輕

輓鮑秋園先生

泛泛悠悠今故同  
百年回首總成空  
酒杯以外誰知  
已山水之間失  
此翁戚黨幾人敦  
古誼文章何處哭  
秋風爲憐後日  
梅花發月滿疎  
枝夢不通

憶友人

風雨空山暮  
雞鳴夜半時  
何堪故人酒  
不共故人持



薄俗交游賤貧家戚誼衰姓名從已矣賴爾獨能知

書懷

相逢共說此生浮爲問生浮悟得不天地無情人總  
死子孫有命我何謀書中且作椒薑鼠物外端成變  
相牛非是壯懷真曠達祗緣今古盡雙眸

番椒

一種畢澄茄秋開細白花名還分橘柿色欲奪丹砂  
辣味逾薑桂溫香適齒牙蜀秦形性別食料莫齊加

漫興

宿雲遠散青山白下卷綠蘿裊空碧飛流淙淙洞口



隔一片煙紛誰煮石扶桑初日上須臾照出紅樹成  
畫圖名利醉人濃似酒仙源未必世間無

吾生行

吾生百事端不憂不知不識無懷儔野馬生駒斷羈  
勒少小汗漫隨天遊壯年亦復謝束縛秋水春山恣  
行樂乾坤吾自愛吾廬日日悠然着飛躍生成古拙  
人交違惟知喫飯與着衣一心癖向烟霞重世上悠  
悠空是非却憶當年有杜老茅屋忽被秋風倒忍將  
盜賊公然為若箇鄉鄰散古道悲歌重感莫相疑對  
面輸心背面欺不是雨雲工反覆由來名利負心知



自笑讀書粗識字呼牛呼馬姑且置死生有命貴富貴  
天萬古風雲等似寄古今一哭盡親朋襤襪何曾怕  
熱蒸獨恨山陰寒夜興半塗易盡空復乘不如抱膝  
門常閉琴尊時作消憂計滿前豚犬任諸兒不見劉  
家亦與隸萬事真如萬頃波虛舟不礙風浪多黃梁  
未熟人蚤醒夢兮夢兮奈我何

邇來

邇來踪跡愧龍鍾盡日瞢騰那問冬小閣天寒頻聽  
雨空山夜靜獨聞春何堪老友忘年死不奈貧親落  
魄逢欲把悶懷憑酒洗誰憐向酒倍惺松



冬夜漫咏

篝燈獨對夜初分，瘦骨巖巖策酒顛。  
靜霜鍾遠扣，月溪寒水碓自舂。  
雲時艱季子裘終敝，意得君苗硯亦焚。  
莫怪懶來無事事，山中馬用兔園文。

夜咏

未貧先貧錢空囊，乾坤萬古亦草堂。  
半生落拓豈詩酒中懷，老辣非桂薑。  
獨雁叫雲夜將雨，薄寒中人天已霜。  
山妻補衣兒補讀，短檠平分子母光。

結交行

古人結交重結金，金結不多空結心。  
今人結交重結



心心結不久空結金古人今人非得已交道由來皆  
如此傷心一旦盡牀頭行路悠悠失壯士一身得金  
身許輕兩脚非錢脚不行古人藉爾爲性命今人那  
不呼爲兄五倫紛紛講朋友患難相先兄弟後轉眼  
銅山金穴崩誰知失意亦杯酒君不見昔日田家座  
上賓卽是竇家門下人富貴也人終不悟可憐惱煞  
灌將軍

當年

當年杜牧本多情悟徹空空一葉輕家外無家聊寄  
爾夢中作夢太癖生鷗波會與鷺相狎烟草終呼鷓



共耕滿眼青山饒藥物何須定向鹿門行

長夜歌

長夜漫漫不欲旦一燈相守成習慣非是畏人常避  
人只緣怕遇情冰炭少年况本未識愁而今愁耐夜  
悠悠後日誰逢添醬判願註三生十甕油

悲老翁

雞一啼夜將半起視明星光爛爛二啼三啼牛夜飯  
牛飲酒兮牛力健老翁呼孫屈指算明朝犁田爾休  
困田多日短莫待旦山風颯颯透骨寒短衣敝絮不  
掩骭去年買得上河田今年新買下河岸年年勞苦



為兒孫不覺星霜向鬢換老翁家資謀千萬莫替老  
翁發三歎由來意適即為歡彼適其適何知憚只恐  
回頭無百年眠長一任雞聲喚老翁老翁好遣雙睛  
存刮取金篦遠看子與孫

哀秋園

吁嗟乎秋園先生年古稀前時欲來吾家嬉為言月  
圓容易缺那覺人去成長離哀君哭君還自恨一飲  
一啄寧前定却憐孤却甕頭春咫尺黃壚呼不應乃  
知今日有酒今日須盡歡明日之日明日之人耐盤  
桓嘉會一負成終古月光相對空清寒憶昔閉關常



不出獨有君來談笑密只今君去迥無人問誰愈我  
維摩疾

咏蘇秦

黑貂裘敝入秦還一旦風雲渾等閑若有洛陽田二  
頃那能抵掌六王間

仲冬夜作

濛濛山氣合明月隱前津一望梅如雪連宵夜似春  
鴻啼殘壘木犬吠隔離人好酌新缸面閑中捨此身

書懷

年年歲歲等飛梭歲歲年年奈樂何人拙不嫌經事



少夜長偏喜讀書多白雲杳杳空黃鶴清渭迢迢自  
綠蓑富貴功名非有待此生奈已斷無他

曉

山鐘滿室聞曉色向天分長夜癡烟襲異香行道焚  
竹窗披霧縠松磴涉苔紋欲起檉花折溪光亂白雲

曉起看梅花

幽人先鳥起獨立看梅花月斷空山夢風高處士家  
不知寒小大惟愛影橫斜若果塵緣絕相逢盡綠華

欲雪

欲雪渾不雪雨聲兼霰聲寒天知酒力靜夜驗詩情



鳴馥温猶聚雞遲凍未鳴此心真似水悟徹化人城

雨中梅花

一白雲無際寒梅帶雨芳菲殘斜徑雪濕重陽溪香  
詩興待驢背賦情孤石腸何當明月夜醉倒翠禽傍

山行漫咏

日暮動遊踪閑觀從所從白殘溪上雪青老澗邊松  
古洞蛟螭蟄滿山雲霧封水源知不遠碓帶月明春

戲咏和尚官

爰清爰淨慕無上不信闍黎生孽障芒芒累日負清  
虛反悔出家作和尚和尚作佛爾許難和尚作官竟



醉言

草徑尚未乾，月光滿地濕。一片琉璃中，松筠相映媚。  
古樹剩空枝，亭亭影莫避。蕭瑟微風過，疑似珊瑚萃。  
竹爐溫黃流，酪酏恣一醉。快把長笛吹，喚醒老鶴睡。  
流水瀉鬚眉，忽爾前身記。廣寒宮莫攀，晶宮亦遠棄。  
遺此臭形骸，日向愁中寄。區區滯狙公，朝三等暮四。  
馬能挹浮邱，得遂平生志。舉首問兜鍪，謫墮緣何事。  
爾受清虛福，我受婁紵累。可惜名山遊，悠悠從何始。  
布襪與青鞋，高風恨難企。三黜俗緣深，却顧依然置。

中夜咏

山子



中夜不欲寐擁几撫瑤琴山風振枯條爲我揚清音  
孤燈耿幽幌寒鳥啼北林悠悠歲云暮荒塗空古今  
不如將美酒獨飲還獨斟庶幾沮與溺千載尚追尋  
何必求鍾期區區鳴賞心

縱筆

年華落拓鬢飄蕭老屋何心掛學瓢惟願此生清夢  
足不須風雪混漁樵

西樓曉坐

鴉雀報新晴寒天快遙矚際曉登西樓悠然絕味觸  
一片無懷心勝人在易足南山莽蒼蒼石氣尚如沐



中有飛泉聲宛轉韻琴筑虬松鬱古香竹光媚初旭  
寒飈颭以過小大還自綠雖然萬象凋各各抱亭毒  
乃知天地間歲寒有當局

咏古

古人重名節甘心受凍餒吁嗟耿介懷九死亦靡悔  
君子終固窮道在斯人在與其枉尺尋胡寧臨東海  
富貴浮雲如藏器本有待一旦果須臾亦復幡然改  
致君侔唐虞隆名高萬載乃知在隱流棄世將人紿

西園

薄暮登西園葱蒨萋萋以綠古樹巖斜陽幽禽鳴澗曲



悠悠搖落辰天氣欣溫燠笑問傲霜心歲寒却誰屬  
一醉千愁消一飽萬事足乾坤吾道存聊且適幽躅  
種花滿徑紅種菜滿畦綠館水與巢山何人稱此局

### 歸田樂

崎嶇萬里風波惡讀書人唱歸田樂請君莫問廉與  
貪爲君細繹爲官樂爲官一旦擁鼻比金去金來志  
是非日演滿堂肉鼓吹血片盡化青蚨飛黃綾被內  
昏昏臥早衙晚衙隨意坐只要兒孫家以成那顧庶  
祇怨家破滿載歸來問舍田休怨苦節萬萬千由來  
人命將錢賣古今湛湛同此天在官幾曾如虎暴去



官何必去思號從人相笑從人非皇恩解把催科報  
君不見叔敖當年爲楚臣清名遠累子孫身困窮被  
褐戚黨絕深山何處求人親與其衣冠待優孟何如  
當勢行攫銀嗚呼死後是非誰管得幾人敢喚公爲  
賊

金雞洞

金雞寂無聲古洞暗不曉  
疊嶂碧嶺岿荒蔓交纏不  
知何代神棲遶此林表香烟浮半空  
姓氏寄杳渺遙  
送吊斜陽薜蘿空啼鳥

紫霞洞



偶作屏山遊忽聞香氣霏但見紫霞洞不見紫霞飛  
中有盤古王昔握造化機歷年數莫紀遺像猶草衣  
回首感城市茫茫多是非安能脫塵網御風歸處歸

暮郊

滿懷屋促未能拋且自趨陶向暮郊霞色初隨殘照  
合草痕漸近立春交泉沉斷澗懸冰筋葉盡空枝露  
鳥巢咫尺黃壚人已矣新詩誰復爲推敲

冬莫坐雨

落盡梅花歲欲殘零風斷雨醺巖寒大家暖借爐中  
火何處春回几上山惟向茅蓬充臥客不知菜把問



園官堪憐萬里黃綿襖救取窮簷莫再慳

山中

此心誰與同聊寄自山中遠水瀉寒綠微塵斷軟紅  
僧迴崖寺古客語石樓空忘却歲云暮悠然送去鴻

杖策

杖策西風迥沿溪望浩然僧來斜照外鷺落暮霞邊  
倦坐中林石言觀下溪田豆肥蕙麥秀說餅笑明年

散步

西園時散步足補野人家竹嫩猶含粉松肥已看花  
寒山吞霧暗遠水抱村斜滿眼詩興動頽陽促暮鴉



客至

正是愁無那梅花忽又鮮  
人來明月下犬破吠籬外  
斗酒且相樂悲歌徒自憐  
請看雙鬢黑休復惜流年

雨

不道年將盡何堪雨似霖  
霰寒空撒米溪濁在流金  
意負親朋重愁看天地深  
那求穆王笛悽斷此時心

慚愧

慚愧年年負薄田囊中尚乏買書錢  
丈夫末路都依佛  
騷客頭銜合署烟  
春近光陰換松柳變歲寒  
性看柏松堅杜陵韋曲終消歇  
莫問城南尺五天



年殘

蠅頭蝸角等年殘，萬古高風負茂檀。  
物外獨耽深夜靜，閑中誰共短吟安。  
山空水作風雨急，閣迥人凭霜月寒。  
却顧破除何似酒，此心拚向醉鄉寬。

立春夜雨

爆竹聲連雨響繁，家家夜半接春還。  
道人獨擁寒燈臥，聽徹鄰鷄叫等閑。

又咏

雨接春還尚未休，迅雷倏爾趁龍遊。  
酒杯正可消寒夜，燈火初教聽小樓。  
幾日望晴催戶戶，終年耽夢作



漁舟為憐微曉空階滴露箇愁人  
增滿頭

詞

漁舟

漁舟



汝其細效平黃親日身無事  
國實無茶非關飲國非國

時事

斷影開真辨結  
中區相齋  
國事不語

國由我遠以封  
國又百變  
為夫年人相持  
善去善歸

山處由來近自  
斷空山  
身是雲  
因昔景  
亦甚奇

雨中盡對

少莫和  
國以青  
本彩  
國中  
成時  
用相  
保成  
一軒  
遠

蘇湖王克  
春嫩  
博遊  
出  
不  
對  
心  
數  
壽  
多  
力  
中  
各  
質

以集  
世  
正  
集

世  
集  
本

獨



意何似林林茫茫常帶霧千集百聚  
信亦難與言下可青想深以是皆人言  
蕭公處節出來虛財交與財之似猶不  
西出上帶心難離畢不盡語合  
北夢如神開大國長常事不見其財  
世世王水民利忘教教音音  
一曰然風雲亦前  
時願書外  
日負念空  
派計耳類  
風雲亦前  
世世王水民利忘教教音音  
一曰然風雲亦前  
時願書外  
日負念空  
派計耳類

